



Synfocity = 947

mail us at : mzsynfo@gmail.com; mizoramsynod@gmail.com - Phone - 2314648

July 25, 2024

❑ **Bookroom Reduction Sale 2024 a zo ta**

Synod Bookroom Reduction Sale chu July 8-20, 2024 chhung khan Synod Bookroom Branch leh Distribution Center 31-ah neih a ni. He Reduction Sale 2024, chawlhkar hnih chhung hian a pumpuiaah ₹ 2,35,18,735/- zet hmuh chhuah a ni.

Synod Bookroom Reduction Sale hi July 8, 2024 zing dar 9:30 khan Synod Executive Secretary, i/c PRESCOM, Rev. V.L. Luaia Hranleh chuan Pathian hnena a hlan hnuin Aizawlah Sale kal pui tan a ni a. Hemi rual hian Aizawl khawpui pawn Branch zawng zawngah a hawanna hun urhsun taka hman a ni bawk. Reduction Sale-ah hian Synod Bookroom-a lehkhahu zawng zawng, Bible, Kristian Hlabu, Communion thil, Kohhran mamawh chi hrang hrang, Stationery Item zawng zawng leh School Naupang mamawhte 5% - 80% discount-in hralh chhuah a ni a, a tantirh ni atangin mipuiin an hlut hle.

Chawlhkar hnih zet Reduction Sale hi kalpui a nih hnuah Branch leh Distributor 31-te sale belhkhawm chu ₹ 2,35,18,735/- lai a tling chho a. Heti zat lai mai lei thei tura Kohhran mipui thawh honaah Synod Bookroom thawktute chuan lawmthu an sawi a ni.

❑ **North East NSS Festival-ah Mizoram Christian College NSS Unit an kal**

July 15-19, 2024 chhung khan Gangtok, Sikkim hmunah North East National Service Scheme (NSS) Festival neih a ni a. He hunah hian Mizoram Christian College NSS Unit pawh tel ve-in; zirtirtu pakhat leh zirlai paruk an kal. MCC atanga kalte hi Nl. H. Malsawmzuali, Asst. Professor, Department of Management & Programme Officer, MCC NSS Unit chuan a ho va, hnam lamte entirin Life Skills Training te an nei bawk. He hunah hian Cultural Exchange Programme hunte hmangin; State hrang hrang atanga kalte chuan State dang an pawh fuh apiangte hnam lam angin an lam ve a, MCC hian Meghalaya pawt fuhin an hnam lam angin an lam ve a ni. North East NSS Festival-ah hian Mizoram atanga kal zawng zawng chu mi 30 an ni.

❑ **Mizoram Christian College (MCC)**

♦ July 19, 2024 (Zirtawpni) khan Co-curricular Activities (CCA) hunah MCC zirlaite chuan inpawh tawna tha zawk an neih theih nan leh an zirna atana tangkai turin hmun hrang hrang an tlawh a, chung zingah chuan - Synod Resource Centre te, Mizoram State Museum te leh Synod Multi-purpose Training Centre te an tlawh a. Tin, zirlai thenkhat chuan infiamna hun hmangin taksa hriselna lam hawiin hun an hmang bawk.

♦ July 23, 2024 (Thawhlejni) khan Guwahati-ah North Eastern Region NAAC Binary Accreditation Workshop neih a ni a. Hetah hian Lalmuansanga, Asst. Professor, Department of Sociology & IQAC Co-ordinator, MCC chu College aiawhin a kal.

❑ **MSSU**

July 27, 2024 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Thakthing Kohhran - Upa K. Zoremsanga, Upa B. Hmingthanruala leh Upa Isak Zarzoliana Chhange
Shillong Kohhran - Upa B. Lalhmunliana leh Upa K. Vanlalngbaka

❑ **Worship**

July 25, 2024 (Ningani) hian Zai hruai training neihpuiin Pu C. Zirlianthanga, Music Instructor leh Tv. Vanramngbaka, Keyboardist te Rengdil Kohhranah an kal.

❑ **Kohhran Hmeichhia**

July 27-28, 2024 chhung hian Kolasib Vengthar Bialah Leadership Training leh Kristian Chhungkaw Campaign nei turin Pi Zothansiami, Treasurer leh Committee Member-te, Pi K. Rinthianghlimi leh Pi Vanlalhlamuani te an kal ang.

□ **Synod Mission Board**

◆ **Calcutta Mission Field**

July 21, 2024 (Pathianni) khan belhtu thar 11 an awm.

◆ **Jharkhand Mission Field**

July 21, 2024 (Pathianni) khan belhtu thar pahnih an awm.

◆ **Tripura Mission Field**

July 21, 2024 (Pathianni) khan belhtu thar 12 an awm.

◆ **Lucknow Mission Field**

July 21, 2024 (Pathianni) khan pasarih an awm.

◆ **Arunachal & Assam Mission Field (East)**

July 21, 2024 (Pathianni) khan belhtu thar pakhat a awm.

◆ **Arunachal & Assam Mission Field (West)**

July 21, 2024 (Pathianni) khan belhtu thar pakhat a awm.

◆ **Karbi Anglong Mission Field**

July 21, 2024 (Pathianni) khan belhtu thar pali an awm.

◆ **Delhi Mission Field**

July 21, 2024 (Pathianni) khan belhtu thar pali an awm.

◆ **Masihi Sangati**

Durtlang Venghln Kohhranah Masihi Sangati rawngbawlna, crusade ni hnih chhung neih a ni a, crusade chhung hian belhtu thar pathum an awm.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Darlawn	In kang	8	₹ 1,06,000/-
2.	Muanna Veng	Leimin tuar	4	₹ 30,000/-
3.	Sihthiang Vengthar Kohhran leimin dawlana atan			₹ 30,000/-
4.	Sialsuk	Damlo	3	₹ 30,000/-
5.	Hrianghmun	Damlo	3	₹ 30,000/-
6.	Khawlailung Bangla Veng	Leimin tuar	2	₹ 20,000/-
7.	Sihhmui	Damlo leh khawsak harsa	2	₹ 20,000/-
8.	Phullen Vengthar	In chhia	1	₹ 15,000/-
9.	Hliappui	Damlo	1	₹ 10,000/-
			Belh khawm	₹ 2,91,000/-

□ **Sunna: Pi Margaret Jones (Pi Zawni), Kum 105**

Pi Margaret Jones (Pi Zawni), kum 105 chu July 24, 2024 (Nilaini) zing dar 6:30 khan ama chenna in, Aberystwyth-ah a rawngbawlsak Lalpa hnena chawl turin a kal ta.

Margaret Jones, Mizoten Pi Zawni tia kan koh hi, Zosap Rev. Dr. Basil Ewart Jones (Pu Zawna) nupui niin, a pasal Mizorama a rawn chhuah hnu kum thumah, 1945 khan Mizoramah a rawn chhuak ve a, kum 1953 khan Wales-ah an chhungin an kir leh ta a ni.

A pasal Pu Zawna hian kum 2002 December 31 khan thin cancer natna avangin a lo kalsan tawh a. Pi Zawni hian a fate, Zoduha (Gareth Ewart Jones), Zochhuana (Peter Hugh), Lalpari (Elaine Margaret Jones) leh an unau dangte bakah a tute a kalsan a ni.

July 26, 2024 (Zirtawpni) zing dar 9:30 hian Synod OM leh Synod Office-a thawktuten amah sunna hun J.M. Lloyd Hall, Synod Office-ah an hmang dawn a. Rev. R. Vanlalnghaka, Synod Moderator-in a kaihrui ang a, Rev. P.B. Mankima, Synod Secretary-in Pi Zawni chanchin a sawi ang a. Rev. H. Lalthananga, Synod Statistician-in tawngtaisakna hun a hmang ang.

Zosap Missionary dam rei berte zinga mi, Pi Zawnin min kalsan ta hi Mizoram Kohhran hote tan chuan channa nasa tak a ni.

'A mi thianghlimte thihna chu LALPA ngaih chuan hlu tak a ni.'

- ☐ **FM Zoawi - Aizawl & Lunglei : Hruaina Eng Radio Programme**
July 26, 2024 (Zirtawpni) @ 7:30 p.m. :
Solo : Lalmuanpuii Khiangte - Lalpa ka lo kir e
Zaipawl : Republic Veng Bial Zaipawl - Lal sut vuanin
Thusawi : Rev. R.C. Lalngkhakliana - Sim hming pu tlakin rah rawh u
Solo : Johny C. Laldinpuia - Min chawi sang a
Zaipawl : Khawzawl Vengthar Bial Zaipawl - Lal Isua ka nei
- ☐ **Su Samachar Prasaran Programme :**
July 28, 2024 (Pathianni) 5:30 pm. :
Group/Choir/Solo : Sarihajan Pastorate Choir - Anong kethe
Group/Choir/Solo : Durtlang Masihi Sangati - Kruspar
Sermon : Rev. James C. Lalremruata
Group/Choir/Solo : Champhai Vengthlang Pastor Bial - Hamara Kal
Group/Choir/Solo : R. Lalruatfeli - Tu Wahi
- ☐ **Hruaina Eng TV Programme**
25.7.2024 (Ningani) 8:30 pm : Thupui zir bing
26.7.2024 (Zirtawpni) 5:00 pm : Kristian Naupang Pual
27.7.2024 (Inrinni) 5:30 pm : Puitling Sunday School Zirlai
28.7.2024 (Pathianni) 8:00 am : Weekly round up
5:30 pm : Su Samachar Prasaran
29.7.2024 (Thawhtanni) 8:30 pm : Hruaina Eng Luang chhuak
- ☐ **Moderator leh Executive Secretary-te Programme:**
Rev. R. Vanlalngkhaka : Moderator
July 27-28, 2024 Kohhran tlawh - Marpara North Bial
Aug. 1, 2024 Hospital BEC
Aug. 2-4, 2024 Harhna Inkhawmpui
Rev. C. Zoramawia : Senior Executive Secretary
July 23-25, 2024 PCI Working Committee, Shillong
Aug. 2-4, 2024 Harhna Inkhawmpui
Rev. V.L. Luaia Hranleh : Executive Secretary
July 25, 2024 Synod Hospital-ah Nurse-te nen meeting
Hospital Building Committee
Consultative Committee
Aug. 1, 2024 Hospital BEC
Aug. 2-4, 2024 Harhna Inkhawmpui
Rev. Dr. K. Lallawmzuala : Executive Secretary
Aug. 1, 2024 Hospital Enthatu Committee
Aug. 2, 2024 Ministry Zirchiangtu Committee
Aug. 3-15, 2024 Field Committee-Siliguri, Nepal, Calcutta leh Odisha
July 29-a OM Special meeting, ni 30-a Synod Service Board leh ni 31-a Synod Trust committee-ah te Moderator leh Executive Secretary te an thu ang.

